

di dar libertà al Collegio nostro di praticar di condur a nostri stipendi il conte Guido Rangon, il conte di Caiazzo et Zuan di Saxadello, et con quello che si haverà si vegni a questo Conseio. Fu presa. Ave

Fu posto, per i Savii ai ordeni, *cum sit* che adì 16 Luio 1526 fusse preso che le galie, soracomiti sier Polo Justinian et sier Francesco Gritti et sier Marco Dandolo potesseno venir a disarmar, sia preso che Zastiguan et Dandolo resti fuora per tutto Settembre, al qual tempo possino li ditti senza altra licentia venir a disarmar. 189, 10, 1.

Noto. Fo fato hozi nel Conseio di X semplice li Cai di X per Luio sier Francesco Foscarei fo Savio del Conseio, sier Giacomo Badoer fo Consier, et sier Andrea da Molin *dal Banco* fo Cao di X.

È da saper. Hozi si intese come a Malamocho era zonto uno nontio del Datario, qual partì del castello di Roma adì 19 del presente, et non fu lassato intrar da le barehe di Proveditori sora la sanità venendo da Roma. *Etiam* altri romani vi è, che non vien lassati intrar. A questo, par uno roman sta qui li parlasse. Dice, come il Papa havia restituito il capello al cardinal Colona, et che'l cardinal Cesarin romano, era prexon in casa di ditto Colona, era fuzito di Roma. *Item*, che'l cardinal Farnese, qual il Papa elexe Legato in Spagna a l'Imperador, era partito di Roma. Questo messo porta brevii del Papa al Legato et al cardinal Egidio; et inteso questa venuta, la Signoria ordinò fusse mandato a star a Lio in le caxe dil Conseio di X per alcuni zorni, et mandato a dir che'l notasse il suo riporto.

266 Adì 29, Sabato, fo San Piero. Vene in Collegio l'orator di Milan per le occorrentie del campo di Lombardia.

Del Proveditor zeneral Contarini, da Orizot apresso Marignan, nel campo, di 27, hore 18. Come si sta su scaramuze, et li nostri cavali lizieri coreno verso Milan, et su la strada hanno preso uno capo di artellarie et uno zentilhomò milanese con cavalli 10, quali portavano some 8 di polvere al suo campo; ch'è polvere grosa et di archibusi, ch'è barilli 48. Le qual polvere era stà condute nel nostro campo; et per esser homo di fazon si farà bona taia chi l'ha preso. La qual polvere è sta posta in la Signoria Nostra senza alcuna spexa. Serive, hozi inimici non hanno fata scaramuza alcuna fin questa hora con li nostri, et li nostri è stati a bruzar certe caxe fino in li loro alozamenti; et come si ha per uno fante preso, che li italiani

fanti erano partidi del campo, et restà *solum* li lanzineeh etc.

Da poi disnar fo Pregadi per far li Savi di terra ferma, il Pagador in campo; et parte del Collegio vol revochar la parte di far Proveditor zeneral, et metter di far do Executori *solum*.

Del campo, del procurator Pizani, date apresso Figino adì 24. Come il Capitano zeneral li havia usato alcune parole, dicendo è servitor di questo Stado, et vol meter la vita per quello ne sicura, pur di andar nel suo Stato, con le più humane parole del mondo, et che l'havea scritto a suo fiol Guidobaldo, qual è a Venecia con la madre, che l'andasse a Mantoa a ralegrarsi con il signor Marchese suo cugnato di la creation del fratello Cardinal; ma al presente non vol che'l vadi et che'l resti a Venetia.

Con altre assà parole, et piene di ogni amorevoleza, pregando non si manchi di pagar le zente, perchè l'è per metter la vita a beneficio di l'impresa.

Item, si dieno levar col campo et andar 9 mia in uno altro alozamento ditto su quel di Siena. Et par che, senesi dubitando de li exerciti nostri, habbino mandato a Roma a tuor 1500 fanti spagnoli. *Item*, scrive, sier Zuan Vituri proveditor sta mal. Si parte la matina per Pexaro, et li aspetarà la desiderata licentia.

* *Da Ravenna, di Alessandro Gavardo vice-colateral, di 27.* Come, havendo ricevuto la lettera scritoli col Senato, parlò a quel governador qual si seusò molto dicendo è bon servitor di la Signoria Nostra. Et che'l vice presidente di Romagna era stà causa non si à hauto il castello, et mandono uno citadin in castello a parlar a quel castelan, qual si aquietò dicendo vol mandar uno suo a Bernardo Spina a Venetia per haver li soi danari che'l dia haver, *aliter* darà quel castello a chi li darà li danari. *Item*, zereha far fino al numero di fanti 1000: ha inteso, et bisognando exequirà etc.

Item, scrive come Zuan di Naldo con quelle altre zente è tuora a l'impresa di Codignola.

Di sier Domenego Contarini proveditor zeneral, dal campo di Orizot adì 27, hore 2 di notte. Come, a hore 22 fo fato una grosa scaramuza qual durò fin hore 24 e mezo; di nostri feriti 10, morti 6 per quanto si ha fin quel' hora; ma de' inimici si tien molto più, et nostri è stati fin sopra i loro repari.

Item, che i nostri è volonterosi; ma vieneno tenuti. *Item*, hanno di Milan, esser usiti tutti